

LEGES,  
ET  
STATVTA  
CUM  
ORIGINE,  
AC  
FUNDATORIBUS.

Confraternitatis sub Titulo , ac Tutela SS.  
Udalrici Episcopi , & Calli Abbatis in Paro-  
chiali Ecclesia Brigantina Anno Christi  
1454. institutæ.

Cum Licentia Superiorum.

---

B R I G A N T I J ,  
Typis Benedicti Antonii Schüssler, Typographi  
Ordinarii M<sup>o</sup>, DCC<sub>o</sub> XXVIII,

## Origo Confraternitatis.

**A**nno post Christum natum supra millesimum Quadragesimum quinquagesimo quarto quidam RR. DD. Presbyteri secularis (quorum nomina inferius legenda dabimus) in vicinis tum Parochiis, tum Capellaniis intra ditionem Brigantinam constituti, potissimas tamen partes agente Adm. Rev. Nobili, ac Doct. D. M. Simone Amman Decano Rur. Ven. Cap. Lind. & Eccl. Par. Brig. Vicario, vel motu proprio, vel aliorum pio provocati Exemplo, post expeditum inter se hac super re consilium, supplicibus Litteris convenere Rev. & Celsis. S. R. I. Principem, ac DD. HEINRICUM DEI & Apostolicæ sedis gratia Episcopum Constantiensem, & Curiensis Ecclesiæ Administratorem humillimè Rogandò, Quatenus Exhibitæ à se in scriptis Leges, & Statuta Confraternitatis noviter erectæ pro innata sibi Clementia Episcopalis munera Auctoritate, in quantum juri consona, vivis & defunctis proficia forent, confirmare, & auctorizare, ipsamque Confraternitatem sub Episcopalem tutelam suscipere ac protegere non dedignaretur: ea nempe viris prudentissimis inerat prudentia, ut suæ Confrater-

ni-

nitatis ædificium, ab omnibus temporum, & hominum injuriis in tuto futurum, non alteri, nisi solido ordinariæ auctoritatis Fundamento imponere voluerint.

Pyssimus Episcop⁹ benigno vultu, & gratioſa manu supplices eorundem litteras suscipiens, non tantum confirmationis Privilegio, & munimine approbavit, sed publico Instrumento roboratas, pretioso insuper indulgentiarum Thesaurò condecoravit, misericorditer in Dominō relaxandō omnib⁹ Christi fidelibus contritis, & confessis (qui solemini Confraternitatis Anniversario à principio ad finem usque devotè interfuerint) pro qualibet vice Quadrageſita dies Criminalium, & unum annuum veniam de injunctis eis Pœnitentiis. Subdato in aula Episcopali Constantiensi An. 1454. die 18. Martii indict, 2da.

Novissimè porrò Longè magnificentius inclytam confraternitatem istam amplissimis spiritualium gratiarum muneribus cumulavit SS. D. N. Clemens Papa XI. Largissima manu haustas de inexhausto Ecclesiæ Thesauro Indulgentias nobis impertiendō vigore Bullæ, quæ incipit, præmissa salute, & Apostolica Benedictione: considerantes nostræ Mortalitatis Fragilitatem, &c. Gratioſo altissimè Fati Pon-

ti-

tificis annutu emanatae sub dato Romæ Anno incarnationis Dominicæ 1715. Calendis Junij Pontificat⁹ ejusdem SS. D. N. Quinto decimo,

Sunt autem Indulgenciarum omnibus & singulis DD. Confratribus ( ac sororibus ) à supra nominato Christi Vicario dignanter concessæ, ut hic infra immediate subjungitur, videlicet

I. Indulgenciarum plenariae. In die eorum ingressus in Confraternitatem, si verè poenitentes, & Confessi SS. Bucharistiæ Sacramentum sumpserint;

II. In Articulo mortis, si verè poenitentes, & confessi, ac S. Comunione, si id commodè fieri poterit, refecti, vel salte n contriti, SS. Nomen JESU corde, si ore nequeant, devote invocaverint.

III. In Feria tertia Festum. S. Udalrici jñmediate sequenti (qua die deinceps consuetum Anniversarium RR. DD. Confratrum, & sororum piè Defunctorum celebrabimus) si etiam &c. verè poenitentes, Confessi, ac Sacra Comunione refecti Ecclesiam Parochialem S. Galli Brigantinam à primis vespere usque ad occasum Solis dictæ diei devotè visitaverint, inibiique pro S. Mat. Ecclesiæ exaltatione, Hæresum extirpatione, Hæretorum, & Infidelium conversione, ac inter Christianos Principes facienda

da & conservanda pace, concordia, & Unione, ac Rom. Pontificis Salute pias ad Deum Preces effuderint.

IV. Indulgenciarum tantum septem annorum, & totidem quadragenarum, in quatuor anni cujuslibet festis diebus, nominatim, SS. Fabiani, & Sebastiani, S. Georgii Mart. S. Magni Abbatis, & S. Conradi Episcopi, si, ut prædictur, verè poenitentes, Confessi, ac S. Communione refecti memoratam S. Galli Parochialē Ecclesiam etiam devotè ut suprà, visitaverint, ibique oraverint.

Postremò Indulgenciarum: 60. dierum de injunctis eis seu alijs quomodolibet debitibus poenitentijs, quoties Missis, & alijs Divinis Officijs in dicta Ecclesia more Confratrum celebrandis, aut Congregationibus publicis, vel secretis Ejusdem Confraternitatis pro quocunque opere pio exercendo, aut Processionibus Ordinariis, vel extra Ordinariis tam dictæ Confraternitatis, quam alijs quibuscumque de licentia Ordinarii faciendis, aut sepeliendis mortuis affectuose interfuerint; aut SS. Eucharistiæ Sacramentum, dum ad aliquem infirmū defertur, associaverint; vel qui hoc facere impediti Campanæ ad id Signō datō genibus flexis Orationem Dominicam, & Salutatio-

nem

nem Angelicam pro dicto infirmo recitaverint; seu infirmos visitaverint, eoque in Eorum adversitatibus consolati fuerint; vel pauperes peregrinos hospitiū excepint, vel Eleemosynis, & Officiis ad juverint; aut ignorantēs Dei Præcepta & quæ ad salutem sunt, docuerint; vel Devium aliquem ad viam Salutis reduxerint, aut pacem cum inimicis propriis, vel alienis compoluerint: aut quinque orationem Dominicam, & totidem Salutationem Angelicam pro animabus Confratrum, ac sororum dictæ confraternitatis in Christi Charitate Defunctorum recitaverint aut aliud spiritualis, vel Corporalis Misericordiæ opus exercuerint.

Hiscè præcedentibus Indulgentiis, ac gratiis insuper accessit Privilegium Tenore Bullæ Romanæ sic sonans: Ut, quandocumque sacerdos aliquis sæcularis, vel Regularis Missam Defunctorum, & singulis diebus infra illius Octavam, ac feria quarta cuiuslibet hebdomadæ pro anima cuiuscumque Confratris dictæ Confraternitatis, ad altare Trium SS. Regum Brigantii in Ecclesia Parochiali celebrabit, anima ipsa de Thesauro Ecclesiæ per modum suffragii Indulgentiam consequatur.

Eorum, qui prima huius Confraternitatis Fundamenta posuerunt.

1. Adm. R. Nob. & Doct. D. M. Simon Amman Ven. Rur. Capit. Lind. Decanus, & Eccl. Paroch. Brig. Vicarius.
2. R. D. Jodocus Vorbuch.
3. R. D. Daniel Kromer.
4. R. D. Conradus Majer.
5. R. D. Christophorus Rudolphi Fraternitatis Procurator.
6. R. D. Ioan. Kircher Cooperator omnes Paroch. Eccl. Brigant. Sacellani.
7. R. D. Ioan. Bierenbaumer Hartensis AA. LL. Baccalaureus.
8. R. D. Ioan. Ovver Sacellanus in Luterach.
9. R. D. Conradus Schnell Sacell. in Tettwang.
10. R. D. Ioan. VVifinger Rector in Stauffen.
11. R. D. Ioan. Aman Plebang in Dorenbüren.
12. R. D. Petrus Darer AA. LL. Bac. Constant.
13. R. D. Purchardus Mangolt Constantiensis.
14. R. D. Io. VVegelin Sacell. in Alberschvv.
15. R. D. Conrad. Bernhard Rector in Mögers.
16. R. D. Ioan. Hilfli Capell. in Harth.
17. R. D. Conrad. Starck Sacell. in Castro Breg. Quibus omnibus Deus ter optimus Maximus eternā Beatitudinem impetriri dignetur. Ag

## LEGES &amp; STATUTA

Hujus Sacrae Confederationis.

I. Mutua Charitatis, & fæderis hujus lex est, ut quamprimum defuncti cujusdā Confratris, aut sororis obitus innotuerit, pro solatio, & refrigerio animæ quantociùs tres Missas vivus legat, aut legi curret, additîs vigiliis mortuorum, uno videlicet nocturno cum laudibus, & Vesperis Defunctorum juxta ritum Ecclesiae persolvendis.

II. Singulis annis quilibet Confratrum recurrente angariarum curiculo, prætactas Vigilias pro omnibus ex hac Confraternitate piè in Domino Defunctis recitare eadem devotione satagat.

III. Usus à Longo jam tempore invaluit, ut in Ecclesia Parochiali Brigantina solemni ritu celebratae fuerint exequiae pro cuiuslibet Fratris aut sororis demortui anima, si tamen se (dum adhuc viverent) certâ pecuniarum sumâ per communem decisionem, juxta temporum conditionem taxandâ, & in necessarios exequiarum usus vertendâ, redemerint.

Hactenùs autem celebratae sunt Ejusmodi exequiae, & erunt imposterūm celebrandæ cum Vigiliis duobus Officiis, septem vel octo sacris, Vesperis Defunctorum, compulsione campagna-

natum Eleemosyna honorifica, & ardentibus cereis circa Castrum Doloris ordinarium.

IV. Unanimi confratrum Suffragio Statutum est, quolibet anno omnibus, & singulis convenientium esse semel, nempè feria tertia Festum S. Udalrici Episcopi, Confraternitatis nostræ specialis Patroni subsecente, ut in Ecclesia Parochiali Brigantina juxta observatum hucusque morem solemnissimè celebretur anniversarium cum Cantandis vigiliis, uno vide licet Nocturno, & Laudibus, duobus Officiis integris, interposita concione, plurimis Sacris, atque Vesp. Defunctorum, circa Castrum Doloris in Eccl. umbilico erectum, recitandis.

Nulli autem Confratrum fas sit, absque justa causa emanere, quam absens scriptum transmittat, examinandam, an talis re ipsa fuerit, nec ne mulctam proin pecuniariam non levem exsolvet ille, cuius absentia causa non substiterit, præsertim, si fuerit frequentior.

Ad hæc legitimè à præsentia excusatus, eodem vel proximo die Statutas preces, vigilias nempè mortuorum, & sacrificium missæ pro pro defunctis Confratribus debita cum devoctione persolvere, non omittat.

Sacris omnibus in Ecclesia finitis DD. Confrates Presbyteri conveniant in Oedibus Pa-

rechialibus Brigantinis de communibus Confraternitatis nostræ necessitatibus, & utilitatibus Auri,

illic rogantur humanissimè, in Loci suis in silentio & gravitate manent, usque dum cui libet loquendi facultas tribuatur, ut absque ullo strepitu negotia contiodiùs, & exactius explicantur porro, quæcumque in Concilio nostro (sive de recipiendis, aut non recipiendis fratribus, & sororibus, sive de alio quocumque Confraternitatis negotio aguntur) ea rigorosò silentio juxta antiquorum Satutorum tenorem Custodiantur.

Nec ulli Sæcularium pateat accessus ad conventum nostrum (in quo solo juxta decretum de An. 1728. deinceps novi Canditati suscipientur) qui autem ad Confraternitatem suscepit fuerint, finito conventu, vel die proxima, actis de more gratiis nomen suum inscribi current, ac postea Confraternitatis tesseram unam cum statutis accipient.

V. Post Reverendissimum, & Amplissimum DD. Abbatem Augiæ Majoris Brigantinæ perpetuum huius Confraternitatis Præsidem, & duos DD. Assistentes (qui non nisi in anno DD. Confratrum Conventu elegendi sunt) Confraternitas nostra regatur à duobus DD.

Pro-

Procuratoribus, quibus tamen absque Reverendissimi Præsidis, & Assistentium Consilio, vel jussu gravioris momenti negotia tractare, & expedire nullatenus conveniat. Præfati DD. Procuratores anniversaria die recurrente per DD. Confratrum suffragia elegantur. Nec ullus sit, qui delatum sibi hoc Officium recusat, nî alia negotia, quibus gravatur, eum me ito excusent. Nolumus autem ultra triennii tempus ad illud ferendum quempiam obligari.

In ipso Anniversarii die Procuratores in Praesentia Confratrum rationes reddant de acceptis, & expensis, & expleto post triennium Officio manibus Successorum prætæcta die omnia tradant atque consignent. Ulterius inter alia mox præscribenda, Procuratoribus, quam maxime, incumbit primò. Confraternitatem substantiam in Arca in hunc finem constructam cum Fundationis, & censu Litteris fideliter custodire, census annuos sedulò colligere, & omnem pecuniam inscriptionis, redæptionis, mulæ, fundationis, vel quovis titulo justo comparata, non nisi in pios, aut Confraternitati profuturos usus convertere. Præcipue illud pecuniarum pretium, ob sui (ut vocant) redæptionem traditum, diligentissimè assertare, in necessarios exequiarum usus, postquam ali-

aliquis Confratrum defunctus fuerit, impen-  
dendum.

2do. Anniversariae Celebratæ debito cultu,  
& consueto more in Ecclesia Parochiali Brig. ce-  
lebrandæ studiosè intendant, & quævis mini-  
steria gnavitèr obeant, prout eorum particula-  
ria Statuta requirunt, quæ brevitatis cauâ hic  
ommittenda duximus.

3to. Ante omnia solliciti sint, ut obitus  
Confratribus, vel sororis, quamprimum de eo cer-  
tum tulerint nuntium, aliis per Litteras à se mis-  
sas iñotescat, ut debitæ Suffragiis, & Sacrificiis  
ocùs succuratur defunctis.

VI. Et si in ipso Confraternitatis nostræ ini-  
tio soli Presbyteri Sæculares in gremium eius  
fuerint suscepiti: Successu tamen temporis non  
modò Religiosis sacerdotio iniciatis, sed etiam  
sæcularibus quibusdam Personis utriusque sex-  
us patuit accessus. Quia verò sæcularium nu-  
merus tandem nimium excrescere coepit, hinc  
in annuo conventu die Sexta Julii An. 1694.  
unanimi DD. Confratrum consensu fuit Statu-  
tum, nullam deinceps sæcularem Personam ad-  
mittere, quæ non speciali affectu veneretur sta-  
tum Sacerdotalem. Huic Statuto An. 1728.  
dię Sexto Julii additum alterum, ut scilicet  
ejusmodi Persona sæcularis pro inscriptione  
sol-

solvat, si nondum adjmpleverit quadragesimū  
etatis suæ Annum 18. Florenos, si verò exces-  
serit annum 50. 25. Florenos, & si sexagesi-  
mum 30. Florenos. Tesseram ( quæ post obi-  
tum ab omnibus Confraternitati restituenda  
est ) eñ pretiō emat, quô D. Procurator eam ab  
aurifabro comparauit. DD. Presbyteri pro  
inscriptione 17<sup>1</sup>. crucigeros, pro tessera verò  
totidem, quod Laici solvant.

Norandum insuper, quod aliqui DD. Con-  
fratrum in Articulo mortis constituti tesseram  
interdum bonis donaverint amicis, quod post-  
hac rigorose prohibitum volum⁹, nemini enim  
tale Signum competit, qui non fuerit dictæ  
Confraternitatis membrum, qua propter Procu-  
ratoribus incumbet, hanc tessera, vel saltem  
eius pretium sedulo' repeteret.

Cæterum sæculares Personæ in Anniversario  
nostræ Confraternitatis Procuratoribus fidem-  
faciant exhibitis Testimoniis per quos Sacerdo-  
tes, missarum Sacrificia peragi curaverint sub-  
mulcta 10. Solid. Remotiores insuper etiam  
Clerici eosdem juxta Decret. A. 1728 de accep-  
tis à se schedulis mortalibus certos reddant.

VII. Ut tam cerei, quam alia ad Divinum  
Cultum cæcessaria commodius comparari, & Con-  
gregatio nostra suo in vigore melius conservari  
que-

queat, rogamus DD. Confratres humanissimè pro Divini cultùs incremento & animarum suarum remedio per donationes, & alias pias oblationes talibus succurere dignentur necessitatisbus, certò non in alios quām pios usus convertendas, & quandoque à Remuneratore omniū bonorum DEO liberalissimè recompensandas. Maximè verò in Articulo mortis constituti DD. Confratres, & sorores enixè rogantur, si per gratiam DEI sint bonis temporalibus prædicti, nec omnino pauperes consanguineos, aut affines habeant, Contratertitati Legent, in hoc renovaturi Prædecessorum suorum DD. Confratrum Pietatem, Charitatem, & Exempla laudabilissima, quibus nobis posteris præluxerunt.

Cum autem ejusmodi donationes, vel Lagationes incertæ sint atque raræ, hinc sèpius decretum, atque Statutū est, præsertim An. 1506 1657 & 1671. quemlibet Contratrem, aut sororem ab annuo Conventu etiam justa de causa absiteturum, obligare ad mittendos pro hac absentia 17*½*, crucigeros, solis Religiosis Mendicantibus ab isto onere exceptis. Hæc taxa, cum notabilis non sit, Confraternitati verò ad multiplices ejus expensas non parùm utilis, & necessaria: Hinc speramus: neminem gravatum iri, sed ultrò obtemperaturum, vel maximè

mè enim, quod alia Confraternitatis similia onera suis membris imponere consueverint, eos rūmque in defectu necessè foret, generatim omnes obligare, ut singulis annis (absentes fuerint, sive præsentes) certa offerant peccuniam, antiquis Statutis id Clare exigitibüs.

Siquis autem se penitus exemptum voluerit à præacta absentiarum taxa, ad minimum 40 Florenos solvat.

Demum Confratres, qui loca sua, beneficia, statum, aut Conditionem permitaverint, Procuratores de hoc ipso certiores reddant, eosque informent; quā via, vel occasione Confraternitatis Litteræ, ob alicujus obitum, aut alia de Causa ad ipsos mittendæ, eò devenire valent, ne Defunctis desint Suffragia, & Confraternitati nostræ à quolibet præstandæ obsequia.

Et hoc Statutorum, ac Legum nostrarum summa est, quam (cum difficultatis nihil, aut rigoris in se cohtineat) speramus: ab omnibus integrè, & alacriter omni tempore observatū iri. Utamur ergo cœu Confratres Spirituales iis multo vicissitudinibus, quas ab amicis invicem præstandas requirit S. Augustinus Lib. de amici. c. 26. assevens: Amici conjunctissimi solidi citi sint: orent pro invicem, erubescat alter

"pro

"pro altero, alterius Lapsum quivis suum dole-  
at, ac Dilecto suo suis sit ille qui diligitur.

Eiusmodi veræ synceræque Fraternitatis Illu-  
stre Exemplum veneramur in Sanctissima Divo-  
rum Columbani, & Galli aliorūque Beato-  
rum virorum, qui olim Brigantii per triennium  
sedem suam fixerant, admirabili Societate. Hos  
inter (testibꝫ antiquis Litteris, & Monumen-  
tis) tanta feryebat Charitas, ut omnibus fuerit  
unum velle, & nolle, Modestia, sobrietas, man-  
suetudo, & Lenitas cernebatur in cunctis: dis-  
cordia, & quovis aliō vitiō penitus ab eorum  
Cœtu exclusio. Ita certe angelicam vitam ab  
hominibus agi Brigantium obstupuit.

Horum, & nos vestigia secuti obtemperem⁹  
monitis Apostolorum ad Rom c. 12. & 1. Pe-  
tri c. I. dicentium: Charitatē Fraternitatis  
invicem diligamus, ac Fraternitatis Amato-  
res simus, & maneamus. Ut quemadmodum  
una nos Congregatio in terris, ita eadem  
olim Gloria conjungat in Cœlis,  
Amen.

F I N I S.